



Vekensi

Divelopmen blong wan Vanuatu Krus Divelopmen Sastenebol Strateji

Ministri blong Turisim, Tred, Indastri, Komes & Ni-Vanuatu Bisnes tru long Dipatmen blong Turisim i stap lukaotem sevis blong wan konsalten blong mekem rivi long Nasonal Krus Turisim Aksan Plan (NCTAP), hemia blong divelopem wan niu Vanuatu Krus Divelopmen Sasteinebol Strateji.

Objektif blong projek ia hemi blong kamap wetem wan niu stratejik dokumen we bambae hemi lukluk long hao blong divelopem mo promotem Vanuatu olsem wan krus destineisen we olgeta turis bot oli save visitim, hemia folem olgeta prinsipol blong sastenebol turisim mo Nasonal Sastenebol Divelopmen Plan 2030.

Folem inkris blong krus maket mo indastri ia long Vanuatu ova long las 5 yia, naoia hemi kam wan praeoriti blong Gavman blong hemi mas mekem rivi long nasonal krus plan we hemi stap finis, hemia blong divelopem wan niu strateji blong nekis 15 yia.

Olgeta we oli intres blong karemaot wok oli save kontaktem Ms. Brenda Andre, Krus Turisim Ofisa long Dipatmen blong Turisim blong save karem wan Tem blong Refrens (TOF) blong projek ia. Imel adres blong hem hemi bandre@vanuatu.gov.vu o kolem 33400.

Sabmisen i klos long namba 7 Septemba 2018.